



# მენორა

გამოდის  
1993 წლის  
მარტიდან

დამოუკიდებელი ებრაული გაზეთი საქართველოში

„MENORA“ INDEPENDENT JEWISH NEWSPAPER IN GEORGIA

## המנורה

„МЕНОРА“ НЕЗАВИСИМАЯ ЕВРЕЙСКАЯ ГАЗЕТА В ГРУЗИИ

დეკემბერი  
(ტვეთი)  
№13 (473)  
(5781)  
2020

“מנורה”  
עיתון יהודי  
בגור

## შეხვედრა ისრაელის პრეზიდენტთან

8 დეკემბერს ევრ-აზიის ებრაელთა კონგრესის პრეზიდენტი მიხეილ მირილაშვილი, გენერალური დირექტორი — ხაიმ ბენ იაკობი და ხაზინადარი — მენახემ ბუშუევი იერუსალიმში, პრეზიდენტის სახახლეში შეხვედრენ ისრაელის პრეზიდენტს რეუვენ (რუბი) რივლინს. მის მირილაშვილმა ისრაელის პრეზიდენტს გადასცა კონგრესის მიერ მეორედ გამოცემული (პირველი გამოცემა — 19226. ბერ-ლინი) ვლადიმირ (ზევე) ჟაბოტინსკის ფელეტონების კრებული.

რეუვენ რივლინმა, როგორც ვ. ჟაბოტინსკის პოლიტიკური მოძღვრების დიდი ხნის მიმდევარმა, ამ გამოცემის წინასიტყვაობა დანერგა. ისრაელის სახელმწიფოს მეთაურმა ამ წიგნისათვის გულითადი მადლობა მოახსენა ევე კონგრესს და ხაზი გაუსვა იმ გარემოებას, რომ ამ კონგრესის მოღვაწეობა ეხმანება სიონიზმის ამ ლიდერის სულისკვეთებას.

თავის მხრივ ევე კონგრესის პრეზიდენტმა მის. მირილაშვილმა ისრაელის პრეზიდენტ რ. რივლინს მადლობა მოახსენა გულითადი მიღებისათვის და გამოთქვა რწმენა, რომ წიგნი მკითხველის დიდ ინტერესს გამოიწვევს.

— პანდემიის მიუხედავად, კონგრესი აქტიურად მუშაობს — უკვე დიდი ხანია ხელს უწყობს სხვადასხვა საგანმანათლებლო და კულტურული პროექტების განხორციელებას. ამ საქმიანობას მომავალშიც გავაგრძელებთ — განაცხადა მის. მირილაშვილმა.



## შოთა რუსთაველი ისრაელში



ისრაელის ქალაქ კირიათ ბიალიკში, ქალაქის ცენტრში, სინაგოგასთან, არიელ შარონის სახელობის პარკში გაეხსენით რუსთაველის ძეგლი. მინდა განსაკუთრებული მადლიერება გამოვხატო ბატონი შოთა წვენიაშვილის მიმართ, რომელმაც დიდი ძალისხმევა ჩადო ამ საშვილიშვილო, ჩვენი ქვეყნისთვის მნიშვნელოვან საქმეში! ფაქტი, რომ შოთა რუსთაველი თავისი ქვეყნის საკუთარ მონასტერში მოღვაწეობდა იერუსალიმში, თაობიდან თაობას უნდა გადაეცეს ისრაელშიც. ამ საქმეში ჩვენი ერთგული ქართველი ებრაელების როლი და მხარდაჭერა დიდია!

როცა ისრაელში მოვდიოდი სამუშაოდ, ვიცოდი, რომ მართლ არ ვიქნებოდი, იმიტომ, რომ ჩემი ქვეყნის ერთგული ქართველი ებრაელები ფესვმომაგრებულები არიან ისრაელის მიწაზე! მიყვარხართ!

თქვენ გვერდში უნდა დაუდგეთ ისრაელში მცხოვრებ და მყოფ ქართველებსაც! მათი დიდი თემი გააძლიეროთ. ამით ერთად გავაძლიერებთ ისრაელსაც და საქართველოსაც! ამ საქმეშიც მემიედებით!

ლავა ჰვანია

## მეგობრობის სულისკვეთებით

ისრაელის საელჩოს და Mashav-ის (ისრაელის საერთაშორისო თანამშრომლობის განვითარების სააგენტო) მხარდაჭერით, ახალგაზრდა ქართველმა ანტერპრენერმა შექმნა ინოვაციური ჰაიტექნოლოგიური, რომელიც ბიზნესს გაუმარტივებს Covid-19 პირობებში ოპერირებას და ამასთან არ საჭიროებს დიდ ფინანსურ დანახარჯებს.

აღნიშნული პროდუქტი შეიქმნა მაღალი ტექნოლოგიების სფეროში ისრაელ-საქართველოს მჭიდრო თანამშრომლობის ფარგლებში.

ინოვაციური პროდუქტის სახელია - თერმი-ალ: ტერმიული ქმნის დაბალი ლიზებულების მარტივად მოსახმარ ავტონომურ კამერას, რომლის მთავარი მიზანია ამოთქმე ობიექტზე ადამიანების სიციხის გაზომვა. გარდა ამისა, კამერას ექნება


1. ადამიანების ნაკადის დათვლის და
  2. საცალო ვაჭრობის ობიექტებში სექციების პოპულარულობის დადგენის ფუნქცია.
- პროდუქტის ინოვაციურობა იმალება ტექნოლოგიაში, რომელიც საშუალებას იძლევა მაღალი გამოთვლითი ოპერაციების ჩატარებას დაბალ ფასად, რაც საბოლოო ჯამში რამდენჯერ შეამცირებს კამერის ფასს.

ეს გახლავთ ისრაელ-საქართველოს ორმხრივი თანამშრომლობის გაგრძელება Covid-19-ის პანდემიასთან ბრძოლაში, იმ მრავალპროექტთან და ჰუმანიტარულ მხარდაჭერასთან ერთად, რომელიც აქამდე განხორციელდა.

მიმდინარე წლის განმავლობაში ისეთ ადგილობრივ ორგანიზაციებთან თანამშრომლობით, როგორც არის საქართველოს წითელი ჯვრის საზოგადოება, ჯანმრთელობის მსოფლიო ორგანიზაციის საქართველოს ოფისი და დაავადებათა კონტროლის ეროვნული ცენტრი, ისრაელის საელჩო კვალიფიციური კონსულტაციების, შესაბამისი აღჭურვილობისა, თუ თანხის დონაციის სახით, მნიშვნელოვანი წვლილი შეიტანა საქართველოს ბრძოლაში პანდემიის წინააღმდეგ.

GRCS: 26 ნოემბერს ისრაელის საელჩომ და MASHAV-მა საქართველოს წითელი ჯვრის საზოგადოებას პანდემიასთან ბრძოლისთვის საჭირო ჰუმანიტარული დახმარება გადასცა.

დახმარება გამოყენებული იქნა შემდეგი მიზნებისთვის: თბილისში, ქუთაისსა და ბათუმში 600 მონყვლადი ოჯახისათვის საკვები და ჰიგიენური პროდუქტების დარიგება; შესაბამის მუნიციპალიტეტებში მასობრივი ტესტირების ხელშეწყობა; GRCS-ის სასწავლო პლატფორმიდან მოხალისეებისათვის Covid-19-ისა და უსაფრთხოების ზომებზე ონლაინ ტრენინგების ჩატარება; პერსონალური დამცავი აღჭურვილობის დარიგება მოხალისეებისთვის.





„Watergen“ და მშვიდობა



პანდემიამ ევროპაში ანტისემიტიზმი გააძლიერა

COVID-19 გაძლიერებასთან ერთად, ევროპაში იმატა ანტისემიტიზმს...

გამოქვეყნდა „ევროსაბჭოს ანტისემიტიზმის წინააღმდეგ ბრძოლისა და ებრაელთა გაერთიანებისა...“

ინტერნეტში გავრცელებული ანტი-სემიტიზმისათვის ევროკავშირის სახელმწიფოებმა სისხლის სამართლის პასუხისმგებლობის დანერგვა...

ამ ორ ფოტოზე, რომელსაც თქვენ დასცქერით, ძვირფასო მკითხველო, აღნიშნულია ის შესანიშნავი წამები, რომელშიც ისრაელის გააზრებულმა და გონივრულმა საგარეო პოლიტიკამ...

ასეა: მშვიდობას პროგრესი და კეთილდღეობა მოაქვს!

წვენი კორაისკონდენტი ვენიდან გვატყობინებს:

„ევროპა ებრაელების გარეშე ევროპა აღარ არის“

ამ სიტყვებით გამო-ეხმაურა ავსტრიის კან-ცლერი სებასტიან კურ-ცი 26 ნოემბერს ქ. ვენის მესამე რაიონში მომხდარ თავდასხმას რაბინზე.

გაჩერებაზე მდგარ მგზავრებს შორის 50 წლამდე ასაკის მუქ პალ-ტოში ჩაცმული ქალბა-ტონი იკვებება, ხელ-ჩანთიდან დანას იღებს და ნიხლს ურტყამს იქვე მდგარ რაბინს, ჩამუხ-ლულს ქიფას ჩამოაღ-ლულს თავიდან, თან გაყვიროს: დაკალით ყველა ებრაელი, დაკალით!! და-ნას ისევ ჩანთაში იღებს და სხვა ქუჩაზე გადადის.

მიუხედავად ლოკ-დაუნისა, გაჩერებაზე საკმაოდ საშინაური-დან შინ მიმავალი მგზა-ვრები, მაგრამ არავინ ეშველება რაბინს წამოდგომაში... პოლიცია-საც თვითონ ატყობინებს მომხდარ ამბავს.

„ეს სავალალო შემთხვევა, რომელიც, ბუნებრივია, ბევრ ადამიანს შეამფოთებს, ებრაულ თემს ვერ შეაშინებს! იმედია, პოლიცია შეძ-ლებს თავდამსხმელის ვინაობის დადგენას; ეს დიდი მიღწევა იქნება ჩვენთვის.“

იტყობინება ისრაელის კულტურული თემის პრეზიდენტი ოსკარ დოიჩი.

აღშფოთება გამოთქვა ავსტრიის შინაგან საქმეთა მინისტრმა კარლ ნეჰამერმააც:

„მომხდარი თავდასხმა ვენის ებრაელთა ცხოვრებაზე შეტევაა. სინაგოგების გაძლიერებულ დაცვასთან ერთად ყველანაირ ზომებს მივიღებთ, რომ ეს ტერორისტულად მოტივირებული თავდასხ-მა საფუძვლიანად გამოვიძიოთ.“

არ არსებობს შეწყნარება ანტი-სემიტიზმთან - პოლიტიკური იქნება იგი თუ რელიგიური.“

პრეზიდენტ ვან დერ ბელენის სიტყვებით, ებრაელთა სიძულ-ვლის და ანტისემიტიზმის ადგილი არ ააქვს ჩვენს საზოგადოებაში. კარდინალი მონბორნი კი ამბობს, რომ ანტისემიტიზმი ჩვენს მშვი-დობიან თანაცხოვრებას უშლის ხელს.

მომხდარის შემდეგ ათი დღე გავიდა. სიახლე ჯერ-ჯერობით არაფერია;

ზამთრის დღესასწაულების სერია ავსტრიაში, როგორც წესი, ხანუქათი იწყება; თუმცა 5781 წელს მას ნიკოლოზობა უსწრებს წინ. ვენის ებრაული თემი ხანუქას დღესასწაულისთვის ემზადება. ხაგ ხანუქა სამეხა!



კოვიდვაცინის შემქმნელი ებრაელი



ოქტომ-ბრის დამ-ლევს ამ კაცის — ა ლ ბ ე რ ტ ბ უ რ ლ ა ს — სახელი ისრაელში მ ხ ო ლ დ ფ ა რ მ ა კ -ო ლ ო გ ე ბ ს ა

და მეცნიერებს გაეგოთ. ნოემბერში კი ამერიკული კომპანია ფიზერ — ის გენ-ერალური დირექტორის სახელი ყველას პირზე აკერია.

პრემიერ-მინისტრი ბინიამინ ნეთანიიაჰუ ამბობს: — შევუთვალე, იქნებ, დამელაპარა-კო-მეთქი. დაუყონებლივ შემეხშიანა. დოქტორი ბურლა ძალიან ამაყობს იმით, რომ წარმოშობით სალონიკელი ბერძენი ებრაელია.

მასთან საუბრისას დავრწმუნ-დი: ისრაელს შეუძლია ხელი მოაწეროს შეთანხმებას ვაქცინა Pfizer-ის მიღების თაობაზე. დღეს ალბერტ ბურლა მთელ მსოფლიოში ყველაზე საჭირო ებრაელია. მას ურეკავენ სახელმწიფოთა მეთაურები, მეფეები და პრეზიდენტები — იგი ფლობს დღევანდელი სამყაროს ყველაზე უფრო მნიშვნელოვან ფასეულობას — კორონავირუსის სანინაალმდეგო ვაქცი-ნას, რომლის ეფექტურობა 90%.

კორონავირუსის ვაქცინის წარმატე-

ბული გამოცდის ცნობამ მსოფლიოს იმე-დი ჩაუსახა, რომ პანდემიას დასძლევს. დოქტორი ბურლა ამ კომპანიის გამგეო-ბის თავმჯდომარე და გენერალური დი-რექტორია. ამ სასწაულებრივი ვაქცინის პორველი გამოცდის შედეგების გამო-ქვეყნებისთანავე, კომპანიის აქციებზე მოთხოვნილება უცებ გაიზარდა. ფასიანი ქაღალდების აშშ-ს სამმართველოს ცნო-ბით, ვაქცინის თაობაზე ინფორმაციის გამოქვეყნების შემდეგ, ბურლამ გაყიდა კუთვნილი აქციების 62% და ოფიციალ-ურად გახდა მილიონერი. მან 132.508 აქცია გაყიდა (\$41.94) და 5.56 მილიონი დოლარი მიიღო. ბურლას გამგებლობაში დარჩა 82.000 აქცია, რომელთა საერთო ღირებულება 3.2 მილიონი დოლარი გახ-ლავთ. ეს ვაქცინა არ არის ამ კომპანიის პირველი საერთაშორისო გამარჯვება. თავის დროზე ასეთივე აუიოტაჟი გამოი-წვია ვიაგრის გამოგონებამ.

59 წლის ალბერტ ბურლა სალონიკში დაიბადა. 34 წლისა აშშ-ში გადასახლდა და კარიერა ფარმაცევტულ მრეწველო-ბას დაუკავშირა. მისი წინაპრები სა-ბერძნეთში 600 წლის წინათ მივიდნენ. ბურლას შობლები იმ მცირერიცხოვან სალონიკელ ებრაელთა რიგს განეკუთ-ვენებიან, ჰოლპოსტის რომ გადაურჩნენ — გერმანულმა ნაცისტებმა ამ ქალაქის ებრაული თემის მეტი წილი ამოულიტეს.

აქვს ვეტერინარიის დოქტორის ხარისხი, გამრავლების ბიოტექნოლო-გიაში სადოქტორო ხარისხი სალონიკის არისტოტელეს სახ, უნივერსიტეტში და-იცვა. ამერიკულმა ჟურნალმა Institutional Investor-მა ფარმაცევტული კომპანიების რეიტინგში 2019 წელს იგი პირველ ადგ-ილზე წარმოაჩინა.

კორონავირუსის ვაქცინა უკვე ისრაელშია!

ალბერტ ბურლამ სიტყვა შეასრულა — 9 დეკემბერს ისრაელში ჩამოვიდა კორონა-ვირუსის სანინაალმდეგო ვაქცინის — Pfizer-ის პირველი პარტია, თუმცა, ეს პრეპარა-ტი ჯერ კიდევ არ გახლდათ მიღებული აშშ პროდუქტებსა და ნამლებზე კონტროლის კომისიის მიერ — ეს აქტი მომდევნო დღეს — 10 დეკემბერს შედგა.

ვაქცინას ბენ გუ-რიონის აეროპორტშივე შეეგება ისრაელის პრემიერ-მინისტრი ბინიამინ ნეთანიიაჰუ და ჯანმრთელობის დაცვის — მინისტრი იული ედელშტეინი.

პრემიერ-მინისტრმა აეროპორტშივე განაცხადა: — ველოდები, რომ ისრაელის ყოველი მოქალაქე აიცრება. განზრახული მაქვს მოსახლეობას სათანადო მაგალითი მივცე: მე ვიქნები პირველი, ვინც ამ ვაქცინას მიიღებს.

# THE JERUSALEM POST

ებრაული სამყარო

## მიხეილ მირილაშვილი: გავლენა საქართველოდან ისრაელში

სტივ ლინდი

**მიხეილ მირილაშვილი** გახლავთ ისრაელის ქართველი ებრაელი წარმატებული ბიზნესმენი და ქველმოქმედი, ცხოვრობს ისრაელში. მიხ.მირილაშვილის ბიზნეს ინტერესთა სფერო მრავალფეროვანია: ტექნოლოგიურ კომპანიები, უძრავი ქონება, სავაჭრო და კომერციული ცენტრები, ინფრასტრუქტურულ და ენერჯოშემნახველი პროექტები, სამედიცინო და სპორტული სტრუქტურები, და, ბოლოს ასიახლე: COVID-19 – თან ბრძოლის ეფექტური ტექნოლოგიები.

მიხ. მირილაშვილი არის მსოფლიოს ებრაელობის ერთ-ერთი ლიდერი და განსაკუთრებულ ყურადღებას ანიჭებს ყოფილი საბოჭოთა კავშირის ქვეყნების ებრაელთა თემებს.

ამჟამად მიხ. მირილაშვილი გახლავთ ევრაზიის ებრაული კონგრესის პრეზიდენტი, მსოფლიო ებრაელთა კონგრესის აღმასრულებელი კომიტეტის წევრი, ვიცე-პრეზიდენტი, რუსეთის ებრაელთა კონგრესის ვიცე-პრეზიდენტი, რუსეთის „მაკაბის“ კავშირის პრეზიდენტი და ქართველი ებრაელობის თორისა და ხესედის ცენტრის პრეზიდენტი. 2015 წელს ისრაელის სახელმწიფოს და საერთაშორისო ებრაული სამყაროსათვის განეული დიდი სამსახურისათვის მან მიიღო კარენ ჰაიესოდის საქვეყნოდ აღიარებული ისაიას სახელობის პრემია.

მიხეილ მირილაშვილი დაიბადა 1960 წლის 1 მაისს საქართველოში (დაბა კულაში). 1977 წელს გაემგზავრა ქალაქ სანქტ-პეტერბურგში (მაშინ ლენინგრადი). მიუხედავად იმისა, რომ კარგად იცოდა მათემატიკა, მისაღები გამოცდები ჩააბარა საქნტ-პეტერბურგის უნივერსიტეტის სამედიცინო ფაკულტეტზე, რომელიც პედიატრიის სპეციალიზაციით დაამთავრა.

მიხ. მირილაშვილი 1980-იანი წლების დასაწყისში შეუერთდა მისი მამის, მოშე მირილაშვილის, მიერ დაარსებულ ოჯახურ ბიზნესს. 90-იანი წლების შუა პერიოდში ოჯახური ბიზნესი გაიზარდა, მთელ რუსეთში შეიქმნა უძრავი ქონების რამდენიმე ოფისი და მან იგი გააფართოვა რუსეთის საზღვრებს მიღმა.

2006 წელს მიხ.მირილაშვილის ოჯახმა დაარსა სოციალური ქსელი „v kontakte“, ხოლო 2013 წელს კუთვნილი წილები 12 მილიონ დოლარად გაყიდა. ასევე ისრაელში მიხ.მირილაშვილმა დაარსა რამდენიმე კომპანია, მათ შორის „კიტაიმ“ (Kitaim) - ვენჩურული კაპიტალის ფონდი; „ფლარიუმ

გლობალ“ (Flarium Global), „ბეერ იცხაკ ენერჯი“ (Be'er Itzhak Energy), „ჰოშენ არგამან“ (Hoshen Argaman); „ვატერგენი“ (Watergen) - წყლის ტექნოლოგიების კომპანია, „ვერტიკალ ფილდ“ (Vertical Filed)- ტექნოლოგიური კომპანია; და, ბოლოს - „ნანოსონო“ (Nanosoно) - ბაქტერიების, მათ შორის კოვიდ-19-ის, გამანადგურებელი ნანო მასალების წარმოება.

მიხეილ მირილაშვილი გვევლინება რაბინ იცხაკ დოვი გროსმანის „მიგდალორი — ქველმოქმედებისა“ და „ზაკა - სასწრაფო გუნდი“-ს (ZAKA) გენერალურ სპონსორად და არის ამ უკანასკნელის საერთაშორისო სამეურვეო საბჭოს თავმჯდომარე.

მიხ.მირილაშვილმა ისრაელის შეიარაღებულ ძალებს საჩუქრად გადასცა თორის გრაგნილები, ალექსანდრე მაშკევიჩთან ერთად შექმნა ხანძარსაწინააღმდეგო მანქანების რაზმი, კარმელის მთის ტყის 2010 წლის ხანძრის შემდეგ და მიანოდა თვითმფრინავებით დახმარება გაუნია 2012 წელს ბულგარეთში, ქ.ბურგასში ტერორისტული აქტის მსხვერპლთ.

ბატონი მიხეილი ჩართულია ჯანმრთელობისა და გარემოსდაცვით ისეთ პროგრამებში, როგორცაა თელ-ავივის უნივერსიტეტის წყლის კვლევის ცენტრი; ებრაელთა ისტორიული ძეგლების დაცვის ისეთ პროექტში, როგორცაა საბჭოთა კავშირის ტერიტორიაზე იად ვაშემის პოლოკოსტის კვლევის ცენტრი და მრავალ სხვა საზოგადოებრივ ინიციატივაში მსოფლიო მასშტაბით.

— რა მოტივაციით აკეთებთ ამ ყველაფერს?

— ებრაული რელიგიის თანახმად, სამყაროს გაუმჯობესება და თანამემამულეების დახმარება ღვთისმსახურების უმთავრესი ნაწილია. ჩვენ ყველა ადამიანზე უნდა ვიზრუნოთ და დავრწმუნდეთ, რომ მსოფლიოში არავინ დარჩება გადარჩენისთვის აუცილებელი დახმარების გარეშე.

დიდად ბედნიერი ვარ იმით, რომ გავიზარდე ოჯახში, სადაც სხვებზე ზრუნვა და თემის უზრუნველყოფა უმთავრესი გახლავთ. ძალიან ადრეული მოგონებები მაქვს ბაბუაჩემზე. ის რომ გარდაიცვალა, მე პატარა ვიყავი, მაგრამ ოჯახის წევრები ძალიან ბევრს მიაშობდნენ მის ულევე კეთილშობილებაზე. ჩვენი ოჯახი იყო ძალიან ძლიერი თემის ნაწილი, ბაბუაჩემთან დახმარების თხოვნით მოდიოდნენ ებრაელები და არაებრაული. თუმცა, დახმარების განცევის შემდეგაც კი, ბაბუა წუხდა: იმაზე ფიქრობდა განეული დახმარება მთხოვნელისათვის რამდენად იყო საკმარისი, ან მომავალშიც

შეძლებს თუ არა, დაეხმაროს მთხოვნელებს. მისი გარდაცვალების შემდეგ მისი კეთილშობილი საქმე ბებიამ განაგრძო, ძალიან ბევრ ადამიანს დაეხმარა. ხშირად, როცა ჩვენი ეზოს ჭიშკართან დახმარებისთვის მოსულ ადამიანებს ვხედავდი, ბებიამ ვთოვდი, ფული მოეცა, მინდოდა მთხოვნელისათვის მიმეწოდებინა. მაგრამ ბებიამ ჩემი მთხოვნელებს სახლში შემოიპატიუბდა, დაანაყრებდა, მხოლოდ ამის შემდეგ აძლევდა თანხას და საქმელს.

მამაჩემმა ასევე დიდი გავლენა მოახდინა ჩემზე და კაცთმოყვარეობის ისეთი მოდელი მაჩვენა, რომლის დაცვასაც ყოველდღე ვცდილობ. საქართველოში სამოქალაქო ომის დროს, 1980-იანი წლების ბოლოს და 90-იანი წლების დასაწყისში, მამა საცხოვრებლად ჩემთან — სანქ-პეტერბურგში ჩამოვიდა. ამ დროისთვის რუსეთში ბევრი ბიზნესი მქონდა და საქართველოში ჩვენი მკვიდრი მოსახლეობის დიდი ნაწილი - ებრაელები და არაებრაელები, ძალადობისგან თავის დასაღწევად, პეტერბურგში ჩამოვიდნენ მამამ მთხოვა, რაც შეიძლება მეტი ლტოლვილი დამეპირავებინა, თუმცაღა რომ ბევრ იმათგანს არ ჰქონდა საჭირო უნარ-ჩვევები. როდესაც ამაზე მივუთითე, მამამ დაჟინებით მოითხოვა მათი სამსახურში მოწყობა და მისი მოთხოვნით მე ეს გავაკეთე.

ყოველდღე, სამსახურის მერე, მამაჩემი ამ ახალ თანამშრომლებს სახლში ინვევდა — დიდ ინტერესს იჩენდა მათ მიმართ: ეკითხებოდა, თუ როგორ მუშაობენ, რას აკეთებენ, და, რაც მთავარია, მათ ასწავლა, თუ როგორ უნდა იყვნენ ეფექტურნი და მართლაც წარმატებულნი ამ ახალ თანამდებობებზე.

ებრაული ხალხის ერთ-ერთი უდიდესი მეცნიერი, სახელად მაიმონიდი გვასწავლიდა, რომ არსებობს ქველმოქმედების რვა საფეხური და უმაღლესი დონეა, ადამიანს მისცე საკუთარი საქმე. მე მჯერა, რომ მამაჩემმა ერთი ნაბიჯით წინაც კი წაინია და შექმნა მეცხრე საფეხური, რადგან ის ადამიანები, ვინც მან ჩემს კომპანიებში სამუშაოდ მოიყვანა, ჩვენი საქმანობისთვის, იმდენად მნიშვნელოვანი გახდა, რომ დღეს გაუგებარია, ვინ ვის უფრო სჭირდება და ვინ ვის მიმართ უფრო დავალებულია. ეს ადამიანები ჩემი კომპანიების საყრდენია და მათ გარეშე დღეს ჩვენი მუშაობა ვერ წარმოგვიდგენია.

ჩემს საქმიანობას და წარმატებებს ბიზნესში აღვიქვამ, როგორც იმ გლობალური პრობლემის გადაჭრის შესაძლებლობას, რომელიც საფრთხეს უქმნის მთელ მსოფლიოს და კაცობრიობას. ჩვენ უნდა ვიმუშაოთ იმისათვის, რათა დავრწმუნდეთ, რომ მთელ

მსოფლიოში ყოველ ადამიანს აქვს წვდომა ყველაფერ იმაზე, რაც მათ გადარჩენისთვის სჭირდებათ და ამ რესურსებს დღეს-დღეობით სულ უფრო მეტი საფრთხე ემუქრება. COVID-19-ის ამჟამინდელმა კრიზისმა უფრო ნათლად გვიჩვენა ამ პრობლემის სამსუხარო რეალობა.

— *თქვენ ახლახანს ჩაერთეთ საკმაოდ, ასე ვთქვათ, „გავლენიან“ ინვესტიციებში, რათა გადაჭრილ იქნას მსოფლიოს კრიტიკული პრობლემები, დაწყებული საკვებისა და წყლის დეფიციტით, დამთავრებული მედიკამენტებით. როგორ დაიწყეთ ეს საქმე?*

— საბედნიეროდ, მე გამიმართლდა და ფინანსურად წარმატებული ცხოვრება მაქვს. მაგრამ ფინანსური წარმატება ღმერთის დიდ კურთხევას მოითხოვს. თუმცა, ჩვენზეა დამოკიდებული, თუ როგორ უნდა მოვექცეთ არა მარტო იმ ადამიანებს, ვინც ჩვენს გვერდით არიან, არამედ იმათაც, ვინც მსოფლიოს სხვა მხარეს ცხოვრობს.

სამსუხაროდ, დღეს ჩვენ ვხედავთ, რომ საფრთხე ემუქრება ყველაზე ძირითად რესურსებს, რომლებიც ჩვენ თავისთავად მივიღეთ და რომლებზეც დამოკიდებულია ჩვენი ჯანმრთელობა და კეთილდღეობა. ჩვენს მიერ ჩასუთქული ჰაერი დაბინძურებულია და ატარებს დაავადებებს, რომელთაგან COVID-ი მხოლოდ ერთია.

წყალი, რომელიც ჩვენი ონკანებიდან მოედინება, აღარ არის უსაფრთხო, მტკნარი წყლის მარაგი მცირდება და მილიარდობით ადამიანი მთელ მსოფლიოში განიცდის სასმელი წყლის დეფიციტს. ჩვენი საკვები სულ უფრო ძვირი, არაორგანული და საშიშია. ამ კრიზისამდე ვინ წარმოიდგენდა, რომ სუპერმარკეტების დარბევა დაიწყებოდა და მარაგები შეიზღუდებოდა?

ამ ყველაფრიდან გამომდინარე, ასეთი ინვესტიციების მიმართ ჩემი ყურადღება განპირობებულია არამარტო იმით, რაც ხდება მსოფლიოში, არამედ იმ პასუხისმგებლობით, რაც უფალმა მომანიჭა, რათა ვიზრუნო ახლობლებზე და თანამემამულეებზე.

მაგალითად, კომპანია „ვატერგენი“ (WATERGEN) სრულად უმკლავდება წყლის გლობალური დეფიციტის პრობლემას ჰაერიდან სასმელი წყლის წარმოების უნიკალური ტექნოლოგიით. ეს მეთოდი გთავაზობთ სუფთა სასმელი წყლის დაუყოვნებლივ, უსაფრთხო და მდგრად წყაროს, არ საჭიროებს მავნე პლასტმასის ბოთლებსა და კონტეინერებს და უკვე ინერგება მსოფლიოს 80-ზე მეტ ქვეყანაში. ისრაელის ამ კომპანიას მთელ მსოფლიოში ადამიანებისთვის ჯანმრთელობა, კეთილდღეობა და უსაფრთხოება მოაქვს

— *გვიამბეთ კომპანია „ვერტიკალ ფილდ“-ში (Vertical Field) თქვენი ინვესტიციის შესახებ და რატომ არის ეს განსაკუთრებული?*

— „ვერტიკალ ფილდ“-ი ისრაელის საოცარი კომპანიაა, მან შეიმუშავა ჩვენს ქალაქებში აგროკულტურების, ბოსტნეულისა და ხილის შემოსატანად უნიკალური ტექნოლოგია. კომპანია გარდაქმნის საკვები პროდუქტების მოყვანის და მოხმარების გზას და კვების მომარაგების ჯაჭვში ცვლილებების შეტანით ამცირებს მანძილს პროდუქტსა და მოხმარებელს შორის და, შესაბამისად ამცირებს ტრანსპორტის ხარჯებსაც. კომპანიის სანიადაგო ფერმები სა-

შუალებას გაძლევთ, მოაშენოთ აგროკულტურები მაშინაც კი, თუ არ გაქვთ მიწის ნაკვეთი: თქვენ უბრალოდ მოაწყეთ კონტეინერი და სუფთა პროდუქტი მოვა თქვენს რესტორანში, სუპერმარკეტში, ან სახლში. ამ ტექნოლოგიას ასევე სარგებელი მოაქვს ურბანული ეკოსისტემისთვის ვინაიდან მცენარეთა თვისებების გამოყენებით ხდება ჰაერის და ხმაურის გაფილტვრა, ნარჩენების შემცირება, პესტიციდებისგან და მწერებისგან თავისუფალი ბუნებრივი მცენარეული კედლების შექმნა. ურბანული სოფლის მეურნეობა არის ახალი გზა მოსახლეობის საკვების მზარდი მოთხოვნილებების დასაკმაყოფილებლად ქალაქების ნებისმიერი შიდა თუ გარე გარემოში მცენარეების მოშენებით.

გეოპოლიტიკურ (ნიადაგზე დაფუძნებულ) პლატფორმას 200-ზე მეტი სახის კულტურის მოყვანა შეუძლია. ამ ტიპის გადაწყვეტა გულისხმობს თუ როგორ უნდა გახდეს ქალაქი უფრო ჯანმრთელი, ცოცხალი და საცხოვრებლად ვარგისიანი. ასევე ზრდის სურსათის უსაფრთხოებას და მუშაობს გრძელვადიან პერსპექტივაზე, რაც დღევანდელი გამოწვევებიდან გამომდინარე ძალზე მნიშვნელოვანია

კომპანია დიდ ძალისხმევას უხმობს იმისთვის, რომ შექმნას ახალი შესაძლებლობები საკვების გაზრდისა და ჩვენი ჯანმრთელობის უზრუნველსაყოფად, კლიმატისა და ტექნოლოგიების უზარმაზარი დარღვევების მიუხედავად.

— *კორონავირუსის პრობ-*

*ლემის გადაჭრაში თუ მონაწილეობდნენ ის ფირმები, რომლებშიც თქვენ ინვესტიციები ჩადეთ?*

— ჩვენ ცოცხალი ხნის წინათ შევეუერთდით ისრაელის კომპანიას, სახელწოდებით „ნანოსონო“ (Nanosono), რომელმაც შეიმუშავა უნიკალური ანტიმიკრობული ნანოტექნოლოგია, რომლის სინთეზირება შესაძლებელია ფხვნილის, გელიის, ან სითხის სახით.

ფართო კვლევამ გვიჩვენა, რომ ნანომასალა თითქმის მთლიანად კლავს მავნე ბაქტერიებს, ხოლო COVID-19-ის ვირუსის ბოლოდროინდელმა ტესტებმა აჩვენა, რომ ნანომასალები ამასაც კლავს.

ნანომასალის განთავსება შესაძლებელია პირად დამცავ ალტურვილობაზე, როგორცაა ნიღბები, სამედიცინო ტანსაცმელი, კედლის საღებავები, მაღამო, ხოლო უახლოეს მომავალში მასალის განთავსება შესაძლებელი იქნება უშუალოდ კანზე ან ნებისმიერ იმ ზედაპირზე, რომელსაც ვეხებით. ერთის ნუთით წარმოიდგინოთ რომ ამ კრიზისის დროს გვექონდეს ანტივირუსული ნიღბები, რომლებიც ხოცავს ჰაერში არსებულ ნებისმიერ ვირუსს. კომპანია უკვე მუშაობს მსოფლიოს ბევრ ქვეყანაში, რათა ხელი შეუწყოს კორონავირუსის აღმოფხვრას.

შესაძლებლობები უსასრულოა და ეს შესაძლებლობები უნდა გამოვიყენოთ ადამიანების დასახმარებლად და მთელი კაცობრიობისთვის ახალი ტექნოლოგიების მისაწოდებლად.



მიხაილ ბირილაჰვილი, ბიზნესმენი და ფილანტროპი





